

19. 2020 воын быдтöлысса мынтöмсö сетöны колян периодыс кагалы куим арöс тыран лунсянь заводитöмөн сэк, кор сыла шыöдчöма 2020 вося öшым тöлыс 31 луныс абу сёрджык.

2021 восянь заводитöмөн быдтöлысса мынтöмсö сетöны кагалы куим арöс тыран лунсянь сэк, кор сйöс индöмла шыöдчöма тайö лунсянь квайт тöлысыс абу сёрджык. Мукöд случайын быдтöлысса мынтöмсö сетöны сйöс индöмла шыödчан лунсянь.

20. Локтан воын быдтöлысса мынтöмсö индöны воддза индан лунсянь 12 тöлыс кольöм бöрын.

Локтан воын быдтöлысса мынтöмсö индöм выlö быдтöлысса мынтöмсö босьтыс шыödчö Шöринö либö УМШ-ö заявлениён тайö Пöрадокөн да условиесөн урчитöм пöрадокын.

21. Шöрин вуджödö (мынтö) быдтöлысса мынтöмсö бать-мам пиыс öтилы быд тöлыс öнйя тöлыслөн 25 луныс оз сёрджык (бать-мам пиыс öтилы, кодй медводдзасыс босьтö быдтöлысса мынтöмсö, - сйö тöлыслөн 25 луныс оз сёрджык, мый мунö тöлыс бöрын, кор индöма быдтöлысса мынтöмсö).

22. Шöрин лöсьödö быдтöлысса мынтöмсö босьтысыслыс реестр (водзö - реестр). Реестрсö гижöны отчётнöй периодыс да быд тöлыс отчётнöй тöлыс бöрын муныс тöлыслөн 5 лунöдз кадколастö dbf-формата файлөн электроннöя сетöны Министерствоö. Файллөн расшериениеыс - dbf.

Шöриньясыс воём реестрьяс подув вылын Министерство лöсьödö да нуödö Коми Республика серти реестр.

Шöрин кывкутö юöрлөн, кутшöм эм реестрын, збыльлун вöсна, а сйдзжö Министерствоö урчитöм кадколастö сйöс сетöм вöсна.

23. Быдтöлысса мынтöмсö дугдöны мынтыны тöлыслөн 1 лунсянь, кутшöм мунö тöлыс бöрын, кор лоöмаöсь татшöм лоöмторьяс:

1) эрдödöма абу збыль тöдмөгьяс, кутшöмьяс подув вылын вöли примитöма быдтöлысса мынтöмсö индöм йылыс помшүöm;

- 2) кагаыс олө тырвыйö канмусянь могомдөм вылын;
- 3) шыөдчысьöс мездөма кага серти бать-мам инөдысь либö сийöс дзескөдөма бать-мам инөдын;
- 4) шыөдчысь да (либö) кага кувсьöма, оланпастэчасөн урчитөм пöрадокын сийöс (найöс) шуöма кувсьöмөн либö юөртөг вошöмаөн;
- 5) шыөдчысь да (либö) кага петöмаöсь Россия Федерацияса гражданствоысь;
- 6) шыөдчысь да (либö) кага мунöмаöсь пыр овны Коми Республикалөн суйөр сайö;
- 7) кагалы тырöма көкъямыс арös;
- 8) Россия Федерацияса оланпастэчасөн урчитөм пöрадокын шыөдчысьöс шуöма кывкутны вермытöмөн либö кывкутны абу тырвыйö вермысьөн;
- 9) Россия Федерацияса оланпастэчасөн урчитөм пöрадокын дугөдөма шыөдчысь серти кагаöс пи (ныв) пыдди босьтöмсö;
- 10) кольöма быдтöлысья мынтöмсö сетан кадколастыс.

Тайö Пöрадок да условиеяс серти тайö пунктса 3 - 6 пунктувьясөн урчитөм случайясын быдтöлысья мынтöмла вермö шыөдчыны кагалөн бать-мамысь мöдыс.

24. Бать-мам пиысь öтиыслы, кодi босьтö быдтöлысья мынтöмсö, сэк, кор лоöны лоöмторъяс, кутшöмъяс вöсна дугөдöны сетны быдтöлысья мынтöмсö (тайö Пöрадоклөн да условиеяслөн 23 пунктса 10 пунктулын индөм лоöмтор кындзи), быть колö татшöм лоöмторъяс лоан лунсянь 10 лун чöжөн гижöмөн юөртны та йылысь Шöринö.

25. Шöрин примитö быдтöлысья мынтöмсö мынтыны дугдөм йылысь помшуöмсö лоöмторъяс, кутшöмъяс вöсна дугөдöны сетны быдтöлысья мынтöмсö (тайö Пöрадоклөн да условиеяслөн 23 пунктса 10 пунктулын индөм лоöмтор кындзи), лоöм йылысь юөр воан лунсянь 3 уджалан лун

чөжөн, мый йылысь лөсялана помшуом примитан лунсянь 10 лун чөжөн юөртöны шыөдчысьлы гижöм уведомлениеөн.

26. Быдтöлысья мынтöм мындасö, кутшöмöс лишнöй мынтöма босьтысьлы сылөн мыж вöсна (тöдöмөн абу збыль тöдмөгъяса документъяс сетöм, мыччöдъяс дзевöм, кутшöмъяс тöдчöны индöм мынтöмсö босьтан инöд вылö), босьтысь бергöдö ас кöсйöм серти Шöринсянь лөсялана уведомление босьтан лунсянь 3 тöлысь чөжөн.

Сэк, кор босьтысь öткажитчöма ас кöсйöм серти бергöдны быдтöлысья мынтöм серти лишнöй мынтöм мындасö, Шöрин перйö найöс оланпастэчасөн урчитöм пöрадокын.

27. Быдтöлысья мынтöм мында вылö районнöй коэффициентсö оз индыны.

28. Быдтöлысья мынтöм мындасö оз индексируйтны.

29. Шöрин вуджöдö быдтöлысья мынтöмсö финансово-кредитнöй учреждениеын шыөдчысьлөн лицевöй тшöt вылö либö федеральнöй пошта связь организация пыр.

30. Быдтöлысья мынтöм мындаыс, кутшöмöс индöма бать-мам пиысь öтилы да кутшöмöс сйö абу босьтöма кувсьöмкöд йитöдын, наследуйтсьö Россия Федерацияса гражданскöй оланпастэчасөн урчитöм пöрадокын.

31. Быдтöлысья мынтöмсö сетöмкöд йитчöм рöскöдсö сьöмөн могмöдöны Коми Республикаса республиканскöй сьöмкуд сьöм да федеральнöй сьöмкуд сьöм тшöt весьтö лөсялана финансöвöй во вылö сьöмөн öтув могмöдан условиеяс вылын.

Быдтöлысья мынтöмсö вайöны Коми Республикаса республиканскöй сьöмкуд сьöм тшöt весьтö.

II. Семьяö пырысьясöс индöм да семьялысь öти морт вылö

шöркöд чөжöс ыдждасö арталöм

32. Босьтысьлөн семьяё пырысьяс лыдö, кодьясöс босьтöны тöд вылö семьялысь öти морт вылö шöркодь чöжöссö арталігөн, пыртöны кагалысь басьсö либö мамсö (сы лыдын пи (ныв) пыдди босьтысьсö), тöрасьысьсö, кодi сетöма быдтöлысья мынтöмсö индöм вылö заявлениесö, сылөн гöтыр (верöс), тыр арлыдтöм челядь.

33. Босьтысьлөн семьяё пырысьяс лыдö, кодьясöс босьтöны тöд вылö семьялысь öти морт вылö шöркодь чöжöссö арталігөн, оз пыртны бать-мам инöдысь мездöм йöзöс, а сідзжö йöзöс, кодьяс олöны канмусянь тырвийö могмöдöм вылын, кодьяс призыв серти прöйдитöны военной служба, вöля мырддьöмөн вештöны мыж.

34. Быдтöлысья мынтöмсö индöм вылö босьтысьлөн семьялысь öти морт вылö шöркодь чöжöссö арталöны семьяё пырысьяслысь бöрья 12 календарнöй тöлысьысь чöжöс мындасö арталöмөн (сы лыдын и сэк, кор сетöма семьялөн 12 календарнöй тöлысьысь этшаджык периодысь чöжöс йылысь тöдмөгьяссö), кутшöмьяс мунöны быдтöлысья мынтöмсö индöм йылысь заявление сетан тöлысь водзын 6 календарнöй тöлысь водзын, рöштшöt нуöдан периодысь семьяё став пырысьлөн чöжöс мындалысь öти дас кыкöд пайсö семьяё пырысьяслөн лыд вылö юкöмөн.

35. Удждон, сы лыдын компенсируйтан да ышöдан сяма мынтöм, арталан да мынтан мукöд урчитöм кадколаст дырйи босьтöм удждон мындасö, сы лыдын компенсируйтан да ышöдан сяма мынтöм мындасö, юкöны тöлысь лыд вылö, кутшöмьясысь сійöс индöма, да арталöны семьялөн чöжöсын сійö тöлысьясысь, кутшöмьяс лöсялöны рöштшöt нуöдан периодлы.

36. Сэк, кор арталöны семьялысь öти морт вылö шöркодь чöжöссö, арталöны сьöмөн босьтöм татшöм сикас чöжöс:

удж серти либö мукöд кывкутана мог збыльмöдöмысь ошкана сьöм, сы лыдын компенсируйтан да ышöдан сяма мынтöмьяс, Россия Федерацияын вöчöм уджысь, сетöм услугаысь, вöчöмтор вöчöмысь ошкана

сьом. Та дырйи директорьяслы ошкана сьомыс да татшом жö мукöд мынтöмыс, кутшöмьясöс босьтöны организацияөн веськöдлан органö (директорьяслөн советö либö татшом жö мукöд органö) - Россия Федерацияса вот резидентö пырысьяс, кодлөн меститчанінөн (веськöдланінөн) лоö Россия Федерация, видлалöны кыз Россия Федерацияын öшмөсьясысь босьтöм чöжös, места вылö видзöдтөг, кöни збыльысь пöртсьомаöсь олöмö тайö йöзлы сетöм веськöдлан кывкутана могьясыс либö кысянь мынтöма индöм ошкана сьомсö;

пенсияс, пособиес да мукöд татшом жö мынтöм, кутшöмьясöс босьтöма Россия Федерацияса оланпастэчас да (либö) Россия Федерацияса субъектлөн оланпастэчас, меставывса асвеськöдлан органьяслөн актьяс (помшүмьяс) серти;

стипендияс, кутшöмьясöс мынтöны йöзлы, кодьяс велöдчöны уджсикасö велöдан организациясын да вылыс тшупöда велöдан организациясын, аспирантьяслы, кодьяс очнöя велöдчöны научно-педагогическöй кадрьяс дасьтан уджтасьяс серти, да вылыс тшупöда велöдан организациясса да наука организациясса докторантьяслы, йöзлы, кодьяс велöдчöны духовнöй велöдан организациясын, а сіджö индöм категория гражданылы компенсируйтан мынтöмьяс сійö периодö, кор найö медицина петкöдласьяс серти лоöны академическöй отпускын;

алиментьяс;

пенсионнöя быть страхуйтöм йылысь Россия Федерацияса оланпастэчасөн урчитöм случайсын кувсьом страхуйтöм йöзлысь инöd босьтысьяслы мынтöмьяс;

производство вылын неминучаясысь да уджсикасын висьöмьясысь социальнöя быть страхуйтöм серти быдтöлысья страхöвöй мынтöмьяс;

военнослужащöйяслы, Россия Федерациялөн пытшкös делöяс органьясса, уголовнöй мыж вештан системалөн учреждениесса да органьясса, Россия Федерациялөн мырдөн олöмö пöртысь органьясса,

Россия Федерациялөн таможенной органьясса да мукөд органса уджалысыяслы, кӧнӱ Россия Федерацияса оланпастэчасӧн урчитӧма инӧд видзан уджкӧд йитчӧм канму служба прӧйдитӧмсӧ, сьӧм довольствие (сьӧмӧн видзӧм), а сӱдзжӧ содтӧд мынтӧмьяс, кутшӧмьясӧс пыр мынтӧны, да сӱян-юанӧн могмӧдӧм (сӱян-юан паӕк пыдди сьӧмӧн компенсация), кутшӧмьясӧс урчитӧма Россия Федерацияса оланпастэчасӧн (эм кӧ);

канму либӧ ӧтйӧза кывкутана могъяс олӧмӧ пӧртан кад чӧжӧн канму органӧн либӧ ӧтйӧза ӧтулӧн мынтан компенсацияс;

дона кабалаясӧн операцияс серти босьтӧм дивидендьяс, прӧчентьяс да мукӧд чӧжӧс;

кредитной учреждениеясын вкладьяс серти босьтӧм прӧчентьяс;

предпринимательской удж нуӧдӧмысь да частной практика збыльмӧдӧмысь чӧжӧс;

эмбур вузалӧмысь, кӧртымӧ сетӧмысь чӧжӧс;

авторской заказ йылысь, интеллектуальной уджлӧн бӧртасьяс вылӧ исключительной инӧдысь ӧтдортчӧм йылысь сӧрнитчӧмьяс серти чӧжӧс.

37. Сӕк, кор арталӧны семьялысь ӧти морт вылӧ шӧркодь чӧжӧссӧ, оз артавны:

тайӧ шуӧмӧн урчитӧм быдтӧлысса мынтӧмьясӧ, кутшӧмьясӧс мынтӧма воддза периодьясысь;

“Челядя семьяслы быдтӧлысса мынтӧмьяс йылысь” 2017 во ӧшым тӧлысь 28 лунся 418-ФЗ №-а Федеральной оланпасӧн урчитӧм быдтӧлысса мынтӧмьясӧ, кутшӧмьясӧс мынтӧма кага серти, код вылӧ индӧма тайӧ шуӧмӧн урчитӧм быдтӧлысса мынтӧмсӧ, кутшӧмьясӧс мынтӧма воддза периодьясысь;

ускӧттӧкӧд либӧ мукӧд виччысьтӧмторкӧд йитӧдын, а сӱдзжӧ террористической акткӧд йитӧдын федеральной сьӧмкуд, Россия Федерацияса субъектыяслӧн сьӧмкудьяс, меставывса сьӧмкудьяс да мукӧд

өшмөсүсү сьом тшөт весьтө мынтан өтчыдысь материальной отсөг сетан мындасө.

38. Семьяө быд пырысьлысь чөжөссө арталоны торья йөзлөн чөжөс былө вот чинтытөдз.

39. Чөжөссө, кутшөмөс граждана босьтөны суйөрсайса валютаын, выль пөв арталоны шайтын Россия Федерацияса шөр банклөн курс серти, кутшөмөс урчитөма тайө чөжөссө збыльысь босьтан кадпас былө.

40. Гражданской-инөда сёрнитчөмьяс олөмө пөртөмысь босьтөм чөжөс, а сідзжө предпринимательской удж нуөдөмысь да частной практика збыльмөдөмысь чөжөс мындасө юкөны төлысь лыд былө, кутшөмьясысь найөс индөма, да найөс арталоны семьялөн сийө төлысьясысь чөжөсын, кутшөмьяс лөсялөны рөштшөт нуөдан периодлы.

41. Тайө Пөрадок да условиеяс серти быдтөлысья мынтөмсө сетөм йылысь юөрыс йөзөдсьө Социальной могмөдан өтувья канму юөртан системаын. Индөм юөрыс йөзөдсьө (босьтсьө) Социальной могмөдан өтувья канму юөртан системаын “Канмусянь социальной отсөг сетөм йылысь” Федеральной оланпас серти.